

Carta najndyee na seicwanom Pablo na m'aaⁿ Timoteo

Matseiljeii Pablo carta cwentaa' Timoteo

¹ Nncq Pablo cwiluiindyq apóstol cwentaa' Jesucristo. Nquii Ty'oots'om na cwiluiiñê na macwjil'n'maañê jaa sa'ntjoom na matseixma^{nya} na ljo' ñequio Ta Jesucristo na cantyja 'naaⁿ jom m'aa^{nya} na cwicantyjaa' n'oo^{nya}. ² Matseiljeiya cartawaañe na matseicwano^{nya} na m'aaⁿ 'u Timoteo, na cwiluiindyu' jndaaya nc'e na matseiyu'ya ts'om' ñ'eⁿ Ty'oots'om. Ntyjaal' ts'ooⁿ nquii Tsotyaaya Ty'oots'om ñequio Cristo Jesús na cwiluiiñê na matsa'ntjoom jaa na ñequiana na nnco'ñom' naya na la'xmaⁿna ñequio na m'aⁿna nawi' n'omna nn'aⁿ ndo' na meiⁿcwii ñomtiuu tinc'oom' jo ndaqana.

Cats'aañe Timoteo cwenta ñ'oom na tiyuu'

³ Cha'xjeⁿ na tsjoooya njom' quia na jlui'a Macedonia na caljoo'ndyu' Éfeso na catsa'ntjom' nt'omcheⁿ nn'aⁿ na ticat'mooⁿna ñ'oom na tiyuu', ⁴ tilqueⁿ cwenta ñ'oom na cwe' cuento laxmaⁿna' ñequio ñ'oom cantyja 'naaⁿ weloo nn'aⁿ na ñet'om teiyo ee ñ'oommeiⁿ cwil'ana' na cwe' cwila'ñ'eeⁿ ndyuee nn'aⁿ meiⁿ ticateijndeiiina' ts'aⁿ na nntseiyu'ya ts'om ñ'eⁿ Ty'oots'om.

⁵ Ts'iaaⁿ ñ'oom'ñeeⁿ na sa'ntjo^{nya} na c'oo^{nya} na wi' n'oo^{nya} cwii ndo' cwii nn'aⁿ ñequio na lju' n'oo^{nya} na m'aaⁿya n'oo^{nya} ñequio na xcwee' n'oo^{nya} na cwila'yua n'oo^{nya} ñ'eⁿ

Ty'oots'om. ⁶ Ñ'eeⁿ nn'aⁿ jnaa^{n'} ñ'oom'ñeeⁿ na jndaq
tju'tya'na' joona cantyja 'naa^{n'} ñ'oom na mayuu',
ñ'oom na cwe' ts'iaa^{n'}ndyo cwila'jomndyena.
⁷ Ñe'calaxmaⁿna nn'aⁿ na cwit'mooⁿ ljeii 'naa^{n'}
Ty'oots'om na matsa'ntjomna' meiiⁿ ticala'noⁿna
ljo' tseicandii ñ'oom na cwila'neiⁿna cantyja
'naa^{n'}na', meiⁿ ljo' na ma'moⁿ ñ'oom na
cwiñequiana ñequio na t'manya n'omna.

⁸ Manquiuya na jeeⁿ l'ue ljeii na tqueⁿ Moisés
xeⁿ mawil'uee'ñe ts'aⁿ juuna' cha'xjeⁿ na seijndaa'ñe Ty'oots'om. ⁹ Macaⁿna' na cjaanjoom'
n'qoⁿya na nchii teijndaa' ljeii na qui cwentaa
nn'aⁿ na cwil'a na maty'iomyana'. Teijndaa'
juuna' cwentaa nn'aⁿ na quie' n'om, cwentaa
nn'aⁿ na ticatuee'ndyecje, cwentaa nn'aⁿ
na tia cwil'a, nn'aⁿ na laxmaⁿ jnaⁿ, cwentaa
nn'aⁿ na ticala't'maa^{n'}ndye Ty'oots'om oo cwiichenⁿ
nnom na matseit'maa^{n'}ñe ts'aⁿ, teijndaa'
juuna' cantyja 'naaⁿ nn'aⁿ na cwila'cwjee tye
ndyeena ndo' mati cwentaa cha'tsondye nn'a
na cwila'cwjee nn'aⁿ, ¹⁰ cwentaa nn'aⁿ na cwe'
m'aⁿya ñequio nn'aⁿ, cwentaa naⁿnom na m'aⁿ
ñequio tyjenom, cwentaa nn'aⁿ na cwila'jnda
ntyje nn'aⁿndyena, cwentaa nn'aⁿ na cwilaneiⁿ
cantu, cwentaa nn'aⁿ na tyeⁿ cwiqueⁿ ñ'oom
na nlacandaⁿ saq tiquil'a, ljeii'ñeeⁿ m'aⁿna' na
mat'uiina' meiⁿquia na wjaana' nacjoo' ñ'oom na
xcwe na cwit'mooⁿ nn'aⁿ. ¹¹ Juu ñ'oom xcwe-
waa' ñecwii xjeⁿ matseicandiina' ñequio ñ'oom na
jeeⁿ jnda'na' cantyja na cwilui'n'maaⁿndye nn'aⁿ.
Nquii Ty'oots'om na tjacantyja na t'maⁿ cwilui-
ñê maty'ioom ts'iaaⁿ ja na mañequiaya ñ'oom'ñeeⁿ
ndaaⁿ nn'aⁿ.

Quianl'uaa' Ty'oots'om t'maⁿ wi' ts'oom Pablo

¹² Mañequiaya na quianl'uaa' Ta Jesucristo cwentaaya na mañequiaaⁿ najndeii' ts'ooⁿ na maqueeⁿ cwenta na cwiluiindy^o ts'aⁿ na matseicanda^q na macwjaa'ñê ja naquii' ts'iaaⁿ 'naan'aⁿ. ¹³ Jaach'ee xuee tyotseinaⁿya ñ'oom ntjeiⁿ nacjoom'm, ñetco^owi^oa nn'aⁿ na cwila'yu' ñ'eⁿñê, ndo' tyotseijnaaⁿa jom. Saq ty'oom Ty'oots'om na wi' ts'oom ñ'eⁿndyo^o, ee xjeⁿñeeⁿ meiⁿ tyootseiyu'a meiⁿ ticaljeii na tixcwe tyots'aa. ¹⁴ Juu naya na matseixmaⁿ Jesucristo, tquiaaⁿ na canda^qa'ya matseixmaⁿya juuna' ndo' t'mooⁿ na jeeⁿ wi' ts'oom ja ndo' jndaya na matseiyu'ya ts'ooⁿ ñ'eⁿñê, joona' na cwila'xmaaⁿya nc'e na cwila'jomndyo^o ñ'eⁿñê.

¹⁵ Ñ'oomwaa ñ'oom na mayuu' juuna', ndo' matsona' na cha'tsondye nn'aⁿ cala'yu'na juuna': jndyo Cristo Jesús tsjoomnancue cha nncwji'n'maaⁿñê nn'aⁿ jnaⁿ, quii'ntaaⁿ joona ja cwiluiindy^o ts'aⁿ na t'maⁿti ñeseitjoondyo^o nnoom. ¹⁶ Luua waa na ty'oom Ty'oots'om na wi' ts'oom ñ'eⁿndyo^o cha cantyja 'naⁿya m'moⁿ Jesucristo na m'aaⁿ na nioom'chenⁿ ts'oom. Ndo' cantyja 'naaⁿya waa na ma'moⁿna' chiuu nc'om nn'aⁿ na nla'yu' ñ'eⁿñê cha nnto'ñoomna na ticantycwii na cwita'ndo' añaamaaⁿna. ¹⁷ Nc'e na luua', cha'waati xuee cala't'maaⁿndyo^o nqueⁿ na ticantycwii na cwiluiiñê na matsa'ntjoom, nqueⁿ na wanoom'm ndo' na wanoom'm, nqueⁿ na leicandqa^q nty'iaa ts'aⁿjom, na macanda^q nqueⁿ cwiluiiñê Ty'oots'om ndo' na jndo' ts'oom.

¹⁸ 'U jndaya Timoteo, luua ñ'oom na

matsa'ntjoⁿya 'u. Ts'iaaⁿ 'naaⁿ! Ty'oots'om matseijomna' cha'cwijom tia!. C'oom' na ti'maaⁿ! ts'om' na matseijndu' naquii' ts'iaaⁿ 'naaⁿaⁿ. Catsa' na ljo' na matseiyu'ya' ts'om' ñ'eññê ndo' ñequio na tico'tiana' ntyji' nc'e na matseicanda' cha'xjeⁿ ñ'oom na ñejlue nn'aⁿ na cwila'yu' cantyja 'naⁿ quia na jla'neiⁿna ñ'oom na t'moⁿ Ty'oots'om naquii' n'omna. ¹⁹ Ñ'eeⁿ nn'aⁿ na tila'ñ'oomndye na maco'tiana' nquiuna, ndo' nc'e na ljo', juu na cwila'yu'ya n'omna ñ'eⁿ Ty'oots'om, jnd^a tyuii'na'. ²⁰ Luua' tseixmaⁿ Himeneo ñequio Alejandro. Jo' chii jnd^a tiooya joona l'o Satanás, cha cala'nqⁿna na tantjeiⁿna ñ'oom ntjeiⁿ nacjoo' Ty'oots'om.

2

Ma'moⁿna' chiuu calana^aya nnom Ty'oots'om

¹ Najndyee matseijndo^a ts'om' na maty'iomna' na cataaⁿya nnom Ty'oots'om 'naⁿ na macaⁿna' jaa, ndo' calana^aya nnoom cwentaa cha'tsondye nn'aⁿ. Quiaaya na quianl'uaan^a cantyja 'naaⁿna. ² Laxmaaⁿya na cataaⁿya nnoom cantyja 'naaⁿ cha'tsondye nn'aⁿ na cwiluiindy'e gobiernom, ñequio joo nn'aⁿ na laxmaⁿ naⁿmaⁿn'iaaⁿ cha nndaq^a nnc'ooⁿya na ya m'aan^aya, tjaa'naⁿ ndia', na xcweeⁿ n'ooⁿya ñ'eⁿ Ty'oots'om ndo' tjaa'naⁿ ñ'oom tia cwila'neiⁿ nn'aⁿ cantyja 'naaⁿya. ³ Maty'iomyana' na luua' cal'aaya. Ndo' nqui Ty'oots'om na macwji'n'maaⁿñê jaa cjaaweeⁿ ts'oom na ljo', ⁴ ee'l'ue ts'oom na cha'tsondye nn'aⁿ nlui'n'maaⁿndye ndo' na nnta'jnaaⁿna ñ'oom na mayuu!. ⁵ Ñecwii Ty'oots'om m'aan^a ndo' ñe'cwii m'aan^a na matseiljoyaañe jom ñ'eⁿ nn'aⁿ, manquii

Jesucristo na ts'aⁿ jom. ⁶ Ee tquiaañê na tueen'eⁿ cha ntioom na cho'jnaⁿ cha'tsondye nn'aⁿ cha nndaq^a nlui'n'maaⁿndyena, teitquoo' na jo' quia na tue'ntyjo xjeⁿ. ⁷ Nc'e na luua', tyl'ioom ts'iaaⁿ ja na cwiluiindyo ts'aⁿ na mañequiaa ñ'oom cantyja 'naaⁿaⁿ ndo' ts'aⁿ na majñoom ts'iaaⁿ 'naaⁿaⁿ, na ca'mooⁿya ndaq^a nn'aⁿ na nchii judíos ñ'oom na xcweti na cala'yu'ya n'omna, ñ'oom na mayuu' matseinaⁿ, nchii cwe' cantu.

⁸ Meiⁿyuucheⁿ joo na cwitjomndye nn'aⁿ l'ue ts'ooⁿ cala'neiⁿ naⁿnom nnom Ty'ooots'om na nlawena lueena ñequio na xcwee' n'omna. Tic'omna na wjeena nc'iaana, meiⁿ ticañjom n'omna ñ'oom na nquiuna ñequio nc'iaana. ⁹ Ndo' mati yolcu l'ue ts'ooⁿ na cwee'na liaa na cwe' na ya xjeⁿ na nchii jeeⁿcheⁿ tycwi' nchii liaa jnda. Cal'ana xjeⁿ cha'tso cantyja 'naaⁿna. Ticwinom'na' na nla'chjoomndyena soonqueⁿna, meiⁿ ticwinom'na' na nla'chjoomndyena ñ'eⁿ 'naⁿ na cwiluiina' ñequio s'om cajaⁿ oo ñequio ta' perla na jeeⁿ jnda. ¹⁰ Saq^a yolcu na cwifñequiaandy na nnts^antjom Ty'ooots'om joona, cal'ana cha'tso nnom ts'iaaⁿ na ya, ee macanda cantyja 'naaⁿ joo jo' ntyjii Ty'ooots'om cha'cwijom matseichjoomñena' joona. ¹¹ Matsona' na candyechenⁿ yolcu ñ'oom na cwit'mooⁿ nn'aⁿ ndo' na catuee'ndyecjena: ¹² ee tyooñequiaya na nnt'mooⁿ yolcu quia na cwitjomndye nn'aⁿ meiⁿ na nlqueⁿna xjeⁿ tsans'a. L'ue ts'ooⁿ na cwe' candyechenⁿna. ¹³ Ee najndyee s'aa Ty'ooots'om Adán, jndaq^a chii s'aaⁿ Eva, ¹⁴ ndo' nchii Adán tquiu'nn'aⁿna', tquiu'nn'aⁿna' yuscu'ñeeⁿ, ndo' jndaq^a na tquiu'nn'aⁿna' juu, jo' seijndaa'ñena' na

waa jnaa^{n'a}. ¹⁵ Sa^a nlui'n'maaⁿndye yolcu xeⁿ cwila'canda^qa^{'n}ndye na mañequiaa Ty'oots'om na c'om ndana ndo' m'aⁿna na cwila'yu'ya n'omna ñ'eⁿñê, ñequio na m'aⁿna na jnda nquiuna nt'omcheⁿ ndo' na 'oom'aⁿna na lju' n'omna.

3

Nmeiiⁿ cal'a nn'aⁿ na cwijndoo' ts'iaaⁿ 'naa^{n'} Ty'oots'om

¹ Luua ñ'oom na mayuu': xeⁿ m'aaⁿ ts'aⁿ na macantyjaa' ts'oom na nluiitquieñê jo nnom tmaa^{n'} na macwji' Ty'oots'om cwentaa^{n'a}, jeeⁿ xcwe na macantyjaa' ts'oom. ² Jo' chii ts'aⁿ na jnd^a ty'oomna' na cwiluiitquieñe quii' ts'iaaⁿ 'naa^{n'} Ty'oots'om, matsa^antjomna' na tjaalnaⁿ ñ'oom cjoom'm. Ñecwii scoom'm m'aaⁿ. Ts'aⁿ na xcwe matseitiuu jom. Ts'aⁿ na maqueⁿne cwenta ndo' na cwiluiiñê ts'aⁿ na jnda nquiui nn'aⁿ. Matsona' na ñequii'cheⁿ m'aaⁿc'eeñê na nnteix'eeⁿ nn'aⁿ na cwe' cwiquieya wa^{n'a}, ndo' 'na^{n'a} na m'mooⁿ ndaa^a nn'aⁿ, ³ ticatsona' na tsa^ancandii jom, meiⁿ na nl'ueeⁿ ndia'. Macaⁿna' ts'aⁿ na yats'aⁿne jom, ts'aⁿ na xiom'ñe ñequio nn'aⁿ, na tintseiqueeⁿ ts'oom s'om. ⁴ Maty'iomna' na ya maqueeⁿ xjeⁿ nn'aⁿ wa^{n'a}, mati cwila'canda^qa^{'n}ndye ntseinaaⁿ nnoom, ndo' cwila't'maaⁿndyea jom, ⁵ ee xeⁿ ti'na^{n'a} na nlqueeⁿxjeⁿ nn'aⁿ wa^{n'a}, tixocandaa nnteix'eeⁿ tmaa^{n'} nn'aⁿ na macwji' Ty'oots'om cwentaa^{n'a}. ⁶ Nc'e na ljo', ts'aⁿ na nluiitquieñe jo ndaa^a nn'aⁿ tmaa^{n'} cwentaa' Ty'oots'om ticatsona' na jom ts'aⁿ na nmeiiⁿndyo tioñe l'o Ty'oots'om, tints'aana' na nnc'oom' ts'oom na jeeⁿ t'maⁿ

cwiluiiñê, ndo' na ljo' ntseijndaa'ñena' cantyja 'naa'n'a^n na waa jnaa'n'a^n cha'xje^n jna^n na t'uiina' tsa^njndii. ⁷ Mati maca'nna' na waa ñ'oom ya cantyja 'naa'n'a^n quii'ntaa^n nn'a^n na tyoola'yu', cha ticalui'jnaa^n'ñê ndo' na ncjaañ'oom tsa^njndii jom xje^n 'naa^n'.

Nn'a^n na cwindye'ntjom, nmeii^n matsona' calaxma^nna

⁸ Mati cantyja 'naa^n nn'a^n na cwindye'ntjom quii' tmaa^n' nn'a^n na macwji' Ty'oots'om cwentaa^n'a^n, matsona' na macanda ñ'oom ya nquiui nn'a^n cantyja 'naa^nna, ndo' cwila'candaa'ndyena ñ'om ndyueena. Tinc'omna na nn'a^n candyee joona, mein tinc'omna na queen n'omna s'om na nchii jndyaa' 'naa^nna. ⁹ Maty'iomna' cantyja 'naa^nna na cwiljoo'ndyetye^na ñequio ñ'oom na xcwe na cwila'yuu'a cantyja 'naa^n' Cristo na mei^ncwii ñomtiuu cantyja 'naa^n'na'. ¹⁰ Najndyee maca'nna' na nlquen nn'a^n cwenta aa cwila'candaa'ndyena na^n'ñee^n ndo' xe^n teitquioo' na ya cwil'ana, quia jo' ya nndye'ntjomna nnom tmaa^n' nn'a^n na macwjil' Ty'oots'om cwentaa^n'a^n. ¹¹ Mati matsona' lcuu na^n'ñee^n cuaa ñ'oom ya cantyja 'naa^nna, nchii la'xma^nna nn'a^n na cwila'tjom cantu, xcwe cantyja 'naa^nna ndo' cwila'candaa'ndyena cantyja 'naa^n cha'tso. ¹² Matsona' na cwii tsa^n's'a na mandi'ntjom, ñecwii scoom'm ndo' ya maquee^n xje^n ntseinaa^n ñequio cha'tsondye nn'a^n wa^n'a^n. ¹³ Nn'a^n na cwindye'ntjom naquii' tmaa^n' nn'a^n na macwjil' Ty'oots'om cwentaa^n'a^n, xe^n na ya cwil'ana ts'iaa^n'ñee^n quia jo' nnquioo na jnda

nquiui na^{n!}ñeeⁿ joona. Ndo' mati nñequiaana'
na ti'maa^{n!} n'omna na nntjei'yuu'ndyena na
cwila'yu'ya n'omna ñequio Cristo Jesús.

*Ñ'oom na mayuu' na ticala'no^{n!} nn'aⁿ na
cwilayuu'a*

¹⁴ Ntyja'a' ts'ooⁿ na tyuaa' nncjocandoog'a
'u, jo' chii matseiljeiya ñ'oommeiin ¹⁵ cha
xeⁿ na nntseitsaa^{n!}ñena' na nncjo, quia jo'
mantyji'jndaa'ndyu' chiuu matsaⁿntjomna'
na nnc'oom' quii'ntaaⁿ nn'aⁿ na cwila'yu'
na la'xmaⁿna tmaa^{n!} cwentaa' Ty'oots'om na
wando', na juu jo' cwiluiiñena' tax'ee w'aa
ñ'oom na mayuu'. ¹⁶ Ñ'oom na mayuu', juu
ñ'oom wanty'iuu' m'aaⁿna' cantyja 'naa^{n!} na
cwila't'maa^{n!}ndyo, jeeⁿ t'maⁿ tseixmaⁿna',
matsona':

Teitquioo'ñe Cristo tsjoomnancue na ts'aⁿ jom,
cantyja 'naa^{n!} Espíritu teijndaa' na tjaa jnaⁿ tseix-
maaⁿ,
nty'iaa ángeles jom.

Ndaa nn'aⁿ jndye njoomnancue tyoñequia nn'aⁿ
ñ'oom cantyja 'naa^{n!}aⁿ,
nn'aⁿ cha'waa tsjoomnancue tyola'yu'na ñ'eⁿñê,
cañoom'luee to'ñom Ty'oots'om jom.

4

*Nn'aⁿ na cwitjeii'ndye cantyja 'naa^{n!} ñ'oom na
cwila'yuu'a*

¹ Ma'mo^rjndaa'ñe Espíritu Santo na ncuee
na macanda nt'om nn'aⁿ nntjeii'ndye cantyja
na matseiyu'ya ts'om ts'aⁿ ñ'eⁿ Cristo, na
nla'jomndyena ñequio jndye espíritu na

cwinquio'nn'aⁿ, ndo' ñ'eⁿ ñ'oom na cwila'cwanom naⁿjndii. ² Nn'aⁿ na tixcwe 'oom'aⁿ na cantundyena nl'ana na luala'. Nc'e natia na cwil'ana, juu na m'aanⁿ n'omna leica'moⁿna' ndaa^qna na tixcwe 'oom'aⁿna. ³ Cwilue naⁿñeeⁿ na ticwanaaⁿ na ncoco ts'aⁿ, ndo' na niom nantquie na cwitsa'ntjomna na ticwanaaⁿ na nlcwa' ts'aⁿ, meiiⁿ na mañequiaa Ty'oots'om joona' na jaa nn'aⁿ na cwila'yuu'a cwiwil'uee'ndyo joona' ndo' cwiñe'quiaaya na quianl'uaaⁿaⁿ, ndo' mati nn'aⁿ na cwita'jnaaⁿ ñ'oom na mayuu!. ⁴ Ee cha'tso na tqueenⁿ, ya laxmaⁿ joona', meiⁿ ticatsona' na c'qoⁿya na ticueeⁿ n'ooⁿya joona' na nñequiaaya na quianl'uaaⁿaⁿ cantyja 'naaⁿna', ⁵ ee cantyja 'naaⁿ ñ'oom'm ñequio na cwilanqaⁿya nnoom, jo' na maqueⁿlju'na' joona'.

Ts'aⁿ na xcwe mandi'ntjom nnom Jesucristo

⁶ Xeⁿ na m'moⁿ ñ'oommeiⁿ ndaa^q nn'aⁿ na cwila'yu', nntseixmaⁿ cwii mosoo' Jesucristo na candaq^a wjaawijndu' cantyja 'naaⁿ ñ'oom na cwila'yuu'a ñequio ñ'oom na xcweti m'aaⁿ na matseijomndyu'!

⁷ Tintseiñ'oom'ndyu' ñ'oom na tiyuu'na' na cwe' ts'iaaⁿndyo na ticjaawee' ts'om Ty'oots'om. Quen^ya ts'om' na matseit'maaⁿndyu' jom. ⁸ Waa na mateijndeiiina' ts'aⁿ quia na matseits'eiiñê na maleinoom. Saa t'manti mateijndeiiina' jom quia na matseijneiⁿ na matseit'maaⁿñê Ty'oots'om. Ee quia na cwila't'maaⁿndyo jom jndye mateijndeiiina' jaa cha'waa xuee na m'aaⁿya tsjoomnancue ndo' mati na nnc'ooⁿya na ticantycwii na cwitando^oa. ⁹ Ñ'oommeiⁿ

jeeⁿ xcwe cwit'mooⁿna', jo' chii cha'tsondye nn'aⁿ macaⁿna' na cato'ñoomna joona'. ¹⁰ Ee jaa nn'aⁿ na cwila'yuu'a cwila'jndaqaya ts'iaaⁿ 'naaⁿ! Ty'oots'om ndo' cwiñe'quiandyo na wi' cwitjooⁿya ee na m'aaⁿya na ntyjaal'yeⁿ n'ooⁿya ñ'eⁿ nqueⁿ na wanoom'm. Cha'tsondye nn'aⁿ nndaq nlui'n'maaⁿndye cantyja 'naaⁿaⁿ ndo' majndeiticheⁿ cwilui'n'maaⁿndye joo nn'aⁿ na cwila'yu' ñ'eⁿñé.

¹¹ Ca'moⁿ! ñ'oommeiⁿ! ndaq nn'aⁿ. Catsa'ntjom' na cala'candaq^andyena joona'. ¹² Tiñequiaandyu' na ticuee' n'om nn'aⁿ 'u cwe' ee na titquiendyu'. Cantyja na matseineiⁿ, catseixmaⁿ! cwii na m'moⁿna' ndaq nn'aⁿ na cwila'yu' chiuu na nnc'oom'aⁿna, ndo' mati cantyja chiuu na wjaam'aaⁿndyu' ndaq nn'aⁿ, ndo' cantyja na m'aaⁿ! na wi' ts'om' joona, ndo' cantyja na matsei'yu'ya' ts'om' ñ'eⁿ Ty'oots'om, ndo' cantyja na lju' nquiu nn'aⁿ cantyja 'naⁿ. ¹³ Cwitjoocheⁿ na nncuacanooⁿya na m'aaⁿ, queⁿndyu' na catsei'naⁿ! ñ'oom' Ty'oots'om na jnd^a teiljeii ndaa nn'aⁿ. Cwil'uee'ndyu' juuna' cha nñequiaana' na t'maⁿ n'omna ndo' ca'moⁿ! juuna' ndaaana. ¹⁴ Joo najndeii na tseixmaⁿ Ty'oots'om na tquiaaⁿ na matseixmaⁿ cha nndaq nndi'ntjom' nnoom ya ya cwil'uee'ndyu' joona'. Ee jnd^a! joona' quia tioo nn'aⁿ na cwiluiitquiendye lueena nacjo' ndo' jla'neiⁿna ñ'oom cantyja 'naⁿ na t'moⁿ Ty'oots'om naquii' n'omna.

¹⁵ Ñequio na xcwee' ts'om' queⁿndyu' naquii' ñ'oommeiⁿ, cha jo ndaq cha'tsondye nn'aⁿ nleitquoo' na xcweti wjaam'aaⁿ.

16 Cats'aandyu' cwenta cantyja 'na^{n'} ndo' cantyja ñ'oom na ma'moo^{n'}. Ticwinchque^{n'} na mache' ts'iaaⁿ 'naa^{n'} Ty'oots'om. Ee xenⁿ luga' nlqueⁿndyu' nchii macand^a nncu' nlui'n'maaⁿndyu' mati nn'aⁿ na cwindye ñ'oom na mañequiaa'.

5

Nmeiiⁿ cats'aa ts'aⁿ na mandi'ntjom quii'ntaaⁿ nn'aⁿ na cwila'yu'

1 Cwii ts'aⁿ na jnd^a tquieñe, tintseitia' jom. Catseijndo' ts'oom cha'cwijom na cwiluiñe tso-tye'. Ndo' nn'aⁿ na cje m'aⁿ, catsa' ñ'eⁿndyena cha'cwijom na cwiluiindyena nt'iu' nncu'. **2** Nda^a yolcu na jnd^a tquiendye, catseinei^{n'} ñ'eⁿndyena na cha'na tso'ndyo'. Ndo' ñ'eⁿ yolcu na cje m'aⁿ, catsa' na cha'na nt'iu' nncu' sa^a ñequio na meiⁿcwii tjaa'n'aⁿ na matseitiuu' ñ'eⁿndyena.

3 Cal'uee'ndyu' chiuu nntei'jndei'yo' yolcu na jnd^a ljondye na mayuu'cheⁿ tjaa 'ñeeⁿ na nnnda^a nntei'x'ee joona. **4** Ee cwii yuscu na jnd^a ljoñe xeⁿ m'aⁿ ntseinaaⁿ oo ntseindacantyjoom macaⁿna' najndyee cala'n^{n'} na^{n'}ñeeⁿ na jnde^ana' na joona catei'x'ee na jom ee cha'cwijom chojnaⁿna nnoom na seiqueeⁿ joona. Jeeⁿ xcwe na nl'ana na ljo' ndo' cjaawee' ntyjii Ty'oots'om. **5** Juu yuscu na jnd^a ljoñe na tue' saa' ndo' na mayuu' tjaa'n'aⁿ nn'aⁿnaⁿ na nntei'x'ee jom, m'aⁿ tsa^{n'}ñeeⁿ na macand^a nquii Ty'oots'om na macantyjaa' ts'oom. Jo' chii naxuee ndo' natsjom macaaⁿ nnom. **6** Sa^a yuscu na jnd^a ljoñe na mach'ee cantyja na neiⁿnc^a tsjoomnancuee, meiiⁿ na ndi wanoom'm, sa^a jo

nnom Ty'oots'om matseijomna' jom cha'cwijom ts'oo. ⁷ Ñ'oommeiⁿl catsaq'ntjom' nn'aⁿ na cwila'yu' na cala'candaq'ndyena joona' cha xocuaa ñ'oom na tis'a cwil'ana. ⁸ Ee ts'aⁿ na tic'oom' ts'om cantyja 'naaⁿ nn'aaⁿ na tjawitqui^o, majndeiticheⁿ nn'aaⁿ nquii, tsaⁿñeeⁿ macwji^{!ñ}ê na matseiyu'ya ts'oom ñ'eⁿ Ty'oots'om ndo' na ljo' mach'eeⁿ wi'ñetyeeⁿ nchiiti ts'aⁿ na tyootseiyu'.

⁹ Quia cwiwiljeii ncuee yolcu na jndaq'ljondye, macanda cala'ljei'yo' xuee' yuscu na jndaq'jndaa'ndyeen'aaⁿ chuu' ndo' na macanda ñ'eⁿ saa'ñet'oom. ¹⁰ Macaⁿna' na waa ñ'oomya cantyja 'naaⁿaⁿ, na ya seiqueenⁿ ntseinaaⁿ, tyotseiljoom nn'aⁿ na cwe' tyoquieya waⁿaⁿ, mati tyoju'ñe cjeeⁿ na tyondi'ntjoom ndaa nn'aⁿ na cwila'yu'ya n'om, ndo' tyoteijneiⁿ nn'aⁿ na wi' cwiwinom, ñequii'chenⁿ tyojoo'ya ts'oom na ñes'aaⁿ cha'tso nnom naya.

¹¹ Saq' yolcu na jndaq'ljondye na titquiendye, tintseiljei' ncueena, ee quia na wjaachuuna' joona na neiⁿnci nquiuna na ñec'omnnda'na na we ca'na quia jo' ñe'c'unconnda'na. Ndo' jo' nntjeii'ndyena na macanda Cristo cwicantyjaⁿ omna. ¹² Ndo' na luua', matseijndaa'ñena' na cwila'tjoondyena na tyoola'candana na macanda Cristo m'aⁿna na quit'maⁿ n'omna. ¹³ Ndo' mati cwe' w'aa ndo' w'aa nc'iaana cwi'oona, ndo' na ljo', cwila'nchqueeⁿndyena. Ndo' nchii macanda jo', mati cantundyena, cwitii'ndyena ljo' cwitjoom nt'omcheⁿ nn'aⁿ, cwila'neiⁿna ñ'oom na ticatsona' na nluena. ¹⁴ Nc'e na luua' waa, jo' na l'ue ts'ogⁿ na yolcu na jndaq'ljondye na cje m'aⁿna, c'unconnda'na, c'om ndana, cateix'eeda w'aana

meiⁿ tinquiana na wanaaⁿ na nla'neiⁿ nn'aⁿ ñ'oom wi' nacjoo nn'aⁿ na cwila'yu'. ¹⁵ Ee ñ'eeⁿ yolcu na jndā ljondye na jndā tjeii'ndyena cantyja 'naaⁿ' Cristo na cwilajomndyena cantyja ñaaⁿ' Satanás.

¹⁶ Cwii tsan^scu na matseiyu', xeⁿ quii'ntaaⁿ nn'aaⁿ'aⁿ na jndā teitquoo' m'aⁿ yolcu na jndā ljondye, macaⁿaⁿ' na cateix'eeⁿ yolcu'ñeeⁿ chaticaaⁿ' na joo nn'aⁿ tmaaⁿ' cwentaa' Ty'oots'om cateix'eeena yolcu'ñeeⁿ.

¹⁷ Nn'aⁿ na cwiluiitquiendye na ya cwilei'choondyena tmaaⁿ' nn'aⁿ na macwjji' Ty'oots'om cwentaaⁿ'aⁿ, matsona' na canda^qaⁿ' cala't'maaⁿ'ndye nn'aⁿ joona. Majndeiticheⁿ nquieena na laxmaⁿna na cwiñequiana ñ'oom' Ty'oots'om ndo' na cwit'mooⁿna juuna!. ¹⁸ Ee waa ñ'oom' Ty'oots'om na teiljeii na matsona': "Tincwjaa'ndyu' bosa 'ndyoo quioo'jndyo na mach'ee ts'iaaⁿ." Ndo' mati waa cwiicheⁿ ñ'oom na matsona': "Naⁿntjom laxmaⁿna na nnto'ñoomna na cwitantjomna."

¹⁹ Quia na waa ñ'oom nacjoo' cwii ts'aⁿ na cwiluiitquieñe ndaqⁿ nn'aⁿ na cwila'yu', tintseiñ'oom'ndyu' ñ'oom'ñeeⁿ xeⁿ tja'aⁿ we oo ndyee ts'aⁿ na nncwjji'yuu'ñe juuna!.

²⁰ Sa^qa nn'aⁿ na cwiluiitquiendye quii' ts'iaaⁿ'naaⁿ' Ty'oots'om, xeⁿ cwila'tjoondyena meiⁿ tiñe'ca'ndyena na ljo' cwil'ana, catseitia' joona jo ndaqⁿ nn'aⁿ na cwila'yu' cha' catseicaty'ueña' joona.

²¹ Jo nnom Ty'oots'om ñequio Ta Jesucristo, ndo' jo ndaqⁿ ángeles na cwiluiindye cwentaa' Ty'oots'om, catseicanda^qaⁿ'ndyu' ñ'oommeiⁿ', meiⁿ

tintsa' na wja'ñ'oomndyu' ñ'eⁿ cwii ts'aⁿ saa cwi-icheⁿ tinei^{n!}. ²² Tintseicjeendyu' na nndio' l'o' cjoo' cwii ts'aⁿ na nluiitquieñe ts'iaaⁿ 'naa^{n!} Ty'oots'om, cha xeⁿ waa na matseitjooñê tixocats'aana' na nnt'uii jnaa^{n!}aⁿ 'u. 'U cwji'ndyu' cantyja 'naa^{n!} cha'tso nnom natia.

²³ Quia na wi' tsia', nchii ñequii'cheⁿ ndaatioo ma'u^{a!}. Mati c'ua! chjoowi' winom.

²⁴ Nt'om nn'aⁿ mañoom' cwiwitquioo' na cwila'tjoondye cwii tjoocheⁿ na nnt'uiina' joona saa nt'omcheⁿ nn'aⁿ ndanquia cwiwitquioo' naljo' laxma^{nna}. ²⁵ Ndo' maljo'yu waa cantyja 'naa^{n!} ts'aⁿ na mach'ee yuu naya, mañoom' cwiwitquioo' na ya mach'eeⁿ, ndo' ts'iaaⁿ ya na cwil'a nn'aⁿ meiin' titquioo'na', saa ndanquia nleitquioo'na'.

6

¹ Cha'tsondye nn'aⁿ na cwindye'ntjomtyeⁿ ndaa^a patrom, matsona' na cala't'maa^{n!}ndyena patrom 'naa^{nna} ñequio na xcwee' n'omna cha tincju'naa^{nñena} na ñoomñoom ñ'oom nlaneiⁿ nn'aⁿ nacjoo' Ty'oots'om ndo' mati nacjoo' ñ'oom na cwit'moo^{rya}. ² Ndo' quia la'xmaⁿ patrom 'naa^{nna} nn'aⁿ na cwila'yu', jeeⁿ matsona' na cala't'maa^{n!}ndyena na^{n!}ñeeⁿ ee na nn'aaⁿndyena nc'e na cwila'yu'na. Maty'iomna' na yati candy'e'ntjomna ndaa^a na^{n!}ñeeⁿ. Ee ts'iaaⁿ 'naaⁿ na^{n!}ñeeⁿ cwil'ana ndo' cwiluiindyena na nn'aaⁿndyena na wi' n'om ntyjeendya na nc'e tjom na cwila'yu'na. Ca'mo^{n!} ndo' quiaa' ñ'oommei^{n!} ndaa^a nn'aⁿ.

*Caljoya n'oo^rya cantyjati na mañequiaa
Ty'oots'om*

³ Xeⁿ m'aaⁿ cwii ts'aⁿ na ñomquiatí ñ'oom na ma'mqoⁿ na juu ñ'oom'ñeeⁿ titseijomna' ñequio ñ'oom na xcweti cantyja 'naaⁿ' Ta Jesucristo na ticateijndeína' na wjaaquiéñe ts'aⁿ cantyja 'naaⁿaⁿ, ⁴ jom matseis'aañê s̄aq̄ meiⁿchjoo ticatsei'noqⁿoⁿ, cwe' jndyeto matseineiⁿ cantyja 'naaⁿ' ñ'oom na nquiú nn'aⁿ judíos ndo' matseintja'ñê ñ'eⁿ nn'aⁿ cantyja 'naaⁿ n'oom'ñeen'. Jo' na cwinaⁿna' na cwila'tqa['] n'om nn'aⁿ nc'iaana, ndo' m'aⁿna na jndoondye ntyjeena, cwila'jnaaⁿndyena, ndo' tiya m'aaⁿ n'omna cantyja 'naaⁿ nc'iaana, ⁵ jo' chii tileicantycwii na cwila'ntja'ndye nn'aⁿ na tajo'ndyo cwicwila'tiuuna, na tatícatá'jnaaⁿna ñ'oom na mayuu'. Cwila'tiuuyoona na ñ'oom 'naaⁿ' Ty'oots'om na matseiyu' ts'aⁿ cwiluiiñena' cwii nnom na nleityañe ts'aⁿ. ⁶ Ñ'oom na mayuu' na ts'aⁿ na matseiyu' ñequio Ty'oots'om, cantyja 'naaⁿ' jo' matseixmaⁿ cwii na jndati nchiiti na nleityañe ts'aⁿ tsjoomnancue. S̄aq̄ macaⁿna' na caljoya ts'oom ñequio cha'tso na jndq̄ jnaaⁿaⁿ nnom Ty'oots'om. ⁷ Ee tjaa'naⁿ ljo' tquiochooya tuiindyø tsjoomnancue ndo' tjaa'naⁿ ljo' ya nntsaachqoⁿ, ⁸ xeⁿ niom na cwicwaa'a ndo' niom liaaya, mat'yiomna' ñequio nmeiⁿ caljoya n'ooⁿya. ⁹ Ee nn'aⁿ na ñe'cwityandye, mat'uiina' joona cha'cwijom cwii teinco', na jndye nnom na ntjeiⁿ na matsei'ndaa'na' joona na matiomna' joona na nnt'uiwi'na' na nntsuundyena. ¹⁰ Ee juu na matseicandyá' ts'om ts'aⁿ s'om, tseixmaⁿna' x'ee cha'tso nnom natia. Ndo' m'aⁿ nn'aⁿ nc'e na queeⁿ n'omna s'om jndq̄ maju'taaⁿñena' joona cantyja na cwila'yu'ya cwii n'omna ñ'eⁿ Ty'oots'om ndo'

jndye nnom nawi' jnda mamanchjena' joona.

Ts'aⁿ na matseiyu' luaa macaⁿna' na queⁿya ts'om

¹¹ Saq 'u je' na cwiluiindyu' cwentaa'
Ty'oots'om, cwji'ndyu' cantyja 'naaⁿ' nmeijⁿ.
Cja'ntyjo' cantyja 'naaⁿ cha'tso na maty'iomyana'.
Quiaandyu'ñ'eⁿ cantyja 'naaⁿ' Ty'oots'om,
na nntseiyu'ya' ts'om' ñ'eññê, na c'oom'
na wi' ts'om' nn'aⁿ, meiiⁿ wi' matjom' saq
ti'ndiinc'uaa'ndyu', c'oom nioom'cheⁿ ts'om'
ñequio nn'aⁿ. ¹² Catseijndu' cha nla'yu' nn'aⁿ.
Tyeⁿcaljoo'ndyu' cantyja na mañequiaa Ty'oots'om
na matseixmaⁿ na ticanycwii na wando'
añmaⁿ 'naⁿ ee macwe' jo' tqueeⁿññê 'u, ndo' na
tjei'yuu'ndyu' cantyja 'naaⁿ' na matseiyu'ya'
ts'om' ndaq jndyendye nn'aⁿ. ¹³ Jesucristo ya
ñ'oom tjei'yuu'ññê jo nnom Poncio Pilato. Jo'
chii jo nnoom ñequio jo nnom Ty'oots'om na
mañequiaa na cwita'ndo' cha'tso, luaa ñ'oom
na matsa'ntjoⁿya 'u Timoteo, ¹⁴ na catseicanda'
ñ'oom na maquaⁿya njom', tintseichui' joona'
cha ticaⁿna' na ndi'tia'. Catseicanda^a joona' hasta
xjeⁿ na nncwjee'nnda' Jesucristo. ¹⁵ Quia na
ntyjii Ty'oots'om na jnda tue'ntyjo xjeⁿ, nnts'aaⁿ
na nntseicanda^añena' na luaa' ee macanda^a
nqueⁿ cwiluiiññê na tjacantyja na matsa'ntjoom.
Jom tseixmaaⁿ Rey ndaq cha'tsondye nn'aⁿ na
tjacantyja na cwitsaⁿntjom, jom cwiluiiññê na
matsa^antjoom cha'tsondye nn'aⁿ na cwitsaⁿntjom.
¹⁶ Manda^a nqueⁿ m'aaⁿ ndo' m'aaⁿ na tijoom
cueenⁿeⁿ. M'aaⁿ yuu caxuee yuu na leicanda^a
nntseindyoo'ñne ts'aⁿ. Tjaa 'ñeeⁿ juu na jnda

nty'iaa' jom meiⁿ xondaña nty'iaa' ts'aⁿ jom. Tseeixmaaⁿ na ñequui'cheⁿ catseit'maaⁿñenaⁿ jom ndo' najndeii na matsaⁿntjoom. Amén. ¹⁷ Nn'aⁿ na tyandye, catsaⁿntjomⁿ na ticatjeii's'andyena meiⁿ tilacantyjaⁿomna juu na tyandyena, ee tijndaaⁿ aa nljotyeⁿnaⁿ lueena. Cantlyjaⁿ n'omna nquii Ty'oots'om na jeeⁿ candañaⁿ mañequiaⁿ cha'tso 'naⁿ na nnteijndeii naa. ¹⁸ Catsaⁿntjomⁿ joona na cal'ana naya nn'aⁿ, jo' na nncuaa na tyandyena na majndye nnom na ya cwil'ana, na tic'omna na ntycwiina, 'naⁿ na niom lueena, catei'jndeii naa. ¹⁹ Ee na nl'ana na ljo', nla'wena cwii nnom na tyandyena, na juunaⁿ matseijomnaⁿ x'ee ñ'oom na nnc'onaⁿ ñ'eⁿndyena 'io cha, ndo' na nla'xmaⁿna na ticanycwii na cwita'ndo'na.

Ñ'oom na macanda na maco'ñom Timoteo

²⁰ 'U Timoteo, cateixeⁿ ñ'oom naya 'naaⁿ Ty'oots'om na jndä to'ñom'. Tintseiñ'oom'ndyuⁿ ñ'oom na cwilue nn'aⁿ na cweⁿ cwila'ñ'eeⁿto ndyuee, na tileicwijndaa!. Meiⁿ tintseiñ'oom'ndyuⁿ ñ'oom na wjaanaⁿ nacjooⁿ ñ'oom na mayuuⁿ na cwilue nn'aⁿ na tjacantyja na yanaⁿ meiiⁿ na tiyuuⁿ juunaⁿ. ²¹ ee ñ'eeⁿ nn'aⁿ na nmeiiⁿ laxmaⁿ ndo' na ljo', jndä tju'taaⁿñenaⁿ joona na cwilayu'ya n'omna.

Quiaa Ty'oots'om na nncoñomⁿ naya na matseix-maaⁿ.

**Ñ'oom xco na tqueⁿ ty'oots'om cantxja 'naa'
Jesucristo
New Testament in Amuzgo, Guerrero
(MX:amu:Amuzgo, Guerrero)**

copyright © 1999 Wycliffe Bible Translators, Inc.

Language: Amuzgo, Guerrero

Translation by: Wycliffe Bible Translators, Inc.

Amuzgo, Guerrero

amu

Mexico

Copyright Information

© 1999, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Amuzgo, Guerrero

© 1999, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.
Pictures included with Scriptures and other documents on this site are
licensed just for use with those Scriptures and documents. For other uses,
please contact the respective copyright owners.

2014-04-21

PDF generated using Haiola and XeLaTeX on 11 Nov 2022 from source files
dated 29 Jan 2022
f19bf10d-b9f4-54f8-aa78-06ee36e6a7cd